

度

支

奏

議

度支奏議目錄

雲南司五卷

覆查叅輕賫拖欠有司疏

覆倉院叅運舟停棹賣麴疏

遵 旨查明監兌司官疏

覆諮贊周夢尹條議臨德等倉銀米解京疏

亟請補造漕船剥船疏

查報漕河文移稽遲疏

覆郎中周京被倉役池宗智訐奏疏

題京軍月糧預給六月本色疏

題覆總漕輕費隨糧道臣併催疏

覆應天巡撫漕運歲歲速行疏

覆巡倉羅萬爵條議遲漕弊端疏

覆應天巡撫奏報漕糧開幫并違玩各官疏

覆南臺吳善誠漕糧半佐軍興疏

津門凍糧轉運將完緩急當計疏

覆巡漕龔御史叅知州張文德等稽悞漕運疏

度支奏議卷之五

太子少保戶部尚書淄青畢自嚴視草

覆查叅輕齋拖欠有司疏

題爲遵

旨回話事雲南清吏司案呈本年三月初九日奉本  
部送戶科抄出總漕部院李待問題前事奉

聖旨輕齋漕運急需這冊開各官着該部科叅看來  
說李待問姑着戴罪設法督催勒限解完已解在  
途的逐程查償毋令遷延滋弊該部知道欽此欽

遵抄出到部送司除移咨總漕部院勒限催解  
外查得總漕部院冊開各省直輕齎銀兩自天  
啓六年起至崇禎元年止共三年完欠數目并  
各官職名及疏開摘其拖欠最多者列名題叅  
前來案查考成京邊事例一款凡欠一分以上  
者州縣印糧官住俸督催二分三分者降俸二  
級四分五分者降職二級俱戴罪督催六分七  
分者降職二級赴吏部調用八分九分以上并  
全未完者革職爲民其司道府官凡職在錢糧

者俱照前例查叅內有陞遷者行見在衙門罰  
治其丁憂者俟除補之日罰治遵行在案今據  
冊開完欠銀數除已完不開外備查得天啓六  
年分則河南澠池縣知縣王雋未完銀十八兩  
七錢計未完一分以上盧氏縣知縣杜登未完  
銀一百八十七兩九錢獲嘉縣知縣程調羹未  
完銀三百兩七錢一分零以上二員俱全未完  
江西高安縣知縣胡承謨未完銀一千五百二  
十一兩五錢一分六釐零計未完三分南昌縣

知縣顏萬耀未完銀一千三百四十八兩七錢  
八分三釐計未完五分以上浙江秀水縣知縣  
張叔鏜未完銀一百五兩五分四釐南直長洲  
縣知縣張茂梧未完銀一千三百兩宜興縣知  
縣駱天閑未完銀七百九十四兩九錢七分零  
溧陽縣知縣韓謙未完銀五百三十二兩八錢  
九分以上四員俱未完一分以上江寧縣知縣  
王同鼎未完銀二百九十八兩一錢金壇縣知  
縣劉宗祥未完銀一千一百八十三兩七錢丹

陽縣知縣許光岳未完銀九百九十兩一錢以  
上三員俱未完三分以上山陽縣知縣孫聲興  
未完銀三百六十九兩七錢七分七釐計未完  
四分以上懷寧縣原冊未開職名未完銀六百  
八十八兩四分計未完五分無錫縣知縣吳大  
朴未完銀三千四百六十九兩一錢二分計未  
完六分武進縣知縣羅華袞未完銀五千七百  
四十四兩五錢三分七釐零鹽城縣知縣楊世  
祿未完銀五百四兩八錢二分一釐計未完九



分以上桃源縣知縣李惟鳳未完銀一百五十八兩六錢七分九釐零海州知州董密未完銀二百五十二兩四錢一分二釐零湖廣漢陽縣知縣王良相未完銀四百八十四兩三錢八分零以上三員俱全未完七年分則江西寧州署印簡較劉光奕未完銀八百四十七兩五錢九釐零計未完五分以上南直句容縣知縣魏公韓未完銀六百一兩九錢二分零武進縣署印陞任簡較王國祚未完銀二千六百一十二兩

六錢八分六釐零宜興縣署印通判王惟善未  
完銀二千三百四十七兩五錢八分四釐零以  
上三員俱未完三分以上太倉州知州劉彥未  
完銀三千九百四十八兩七錢八分六釐零邳  
州署印同知張年齡未完銀八十三兩八錢九  
釐以上二員俱未完四分以上江寧縣知縣夏  
之鼎未完銀六百一十七兩二錢三分五釐計  
未完五分溧陽縣署印推官陳廷詔未完銀三  
千九十六兩六錢七分崑山縣署印同知蔣爾

第未完銀一萬一千八百四兩一錢七分九釐  
零以上二員俱未完九分以上徐州知州霍震  
寓未完銀一千八百三十九兩九分零宿遷縣  
知縣吳錫未完銀一百七十三兩四錢五分桃  
源縣署印通判陶安齡未完銀三百一十七兩  
三錢五分九釐零海州署印同知李節之未完  
銀五百四兩八錢二分五釐常熟縣署印推官  
王瑞桷未完銀一萬四千八百五十六兩九錢  
六分四釐長洲縣知縣宋繼發未完銀一萬六

千一百二十四兩六錢一分二釐零湖廣巴陵  
縣署印推官張虞龍未完銀一千五百三十四  
兩一釐五毫廣濟縣知縣張燮任未完銀五百  
九十九兩六錢四分九釐零以上八員俱全未  
完崇禎元年分則浙江桐鄉縣知縣楊兆升未  
完銀五百六十三兩四錢一分零嘉善縣知縣  
林先春未完銀一千四百三十三兩五錢一分  
一釐零以上二員俱未完一分以上嘉興縣知  
縣駱天閑未完銀二千一百一兩二錢三分八

釐零秀水縣署印通判譚任道未完銀二千四  
百一兩一分以上二員俱未完二分以上烏程  
縣署印通判蘇象乾未完銀四千二百三兩六  
錢九分八釐零計未完三分以上海鹽縣知縣  
田升年未完銀二千六百四十三兩三錢一分  
零計未完四分長興縣知縣向鼎未完銀三千  
四百六十四兩八錢八分八釐零計未完五分  
以上歸安縣知縣張孫振未完銀六千八百三  
十八兩八分八釐計未完六分以上武康縣知

縣章文岳未完銀一千三百七十九兩七錢九分一釐全未完南直溧陽縣知縣丁聖時未完銀二百六十八兩五錢九分四釐吳縣知縣陳文瑞未完銀六百七十二兩九錢二分四釐零以上二員俱未完一分以上長洲縣知縣宋繼發未完銀四千三百六十一兩四錢九分七釐零計未完二分以上宜興縣知縣李獻廷未完銀一千九百八十五兩一錢一分七釐零桃源縣知縣馬用錫未完銀一百二兩五錢三分四

釐零以上二員俱未完三分以上海州知州  
九章未完銀二百四兩八錢二分五釐無錫縣  
知縣陳其赤未完銀二千七百五十六兩五錢  
四分二釐零以上二員俱未完四分以上盱眙  
縣知縣孫徵奎未完銀八十六兩五錢二分零  
武進縣知縣岳凌霄未完銀三千六百三十七  
兩四錢三分七釐零以上二員俱未完五分以  
上太倉州知州劉彥未完銀六千六百四十八  
兩七錢八分六釐零計未完七分以上吳江縣

知縣熊開元未完銀一萬一千六百九十三兩  
八錢八分三釐零計未完八分繁昌縣知縣白  
楠未完銀三百四兩七錢八分七釐計未完九  
分以上徐州署印同知吳嘉言未完銀一千八  
百三十九兩九分六釐六合縣知縣蔡如葵未  
完銀一百四十七兩四錢八分高淳縣知縣莊  
鐸未完銀一千七百四十三兩九錢八分句容  
縣知縣魏公韓未完銀二千二百六十四兩四  
分青浦縣知縣朱錫元未完銀四千七百八十



二兩一錢七分八釐零上海縣知縣陳昌胤未  
完銀八千一百九十八兩二錢三分三釐華亭  
縣知縣鄭友玄未完銀一萬二千四百九十四  
兩四錢一分三釐零崑山縣知縣李拯未完銀  
一萬三千一百二十三兩八錢五分七釐零常  
熟縣知縣楊鼎熙未完銀一萬四千八百五十  
六兩九錢六分四釐零浙江德清縣知縣余若  
麒未完銀六千二百五十七兩四錢五分零湖  
廣漢陽縣知縣薛夢熊未完銀四百八十四兩

三錢八分五釐零應城縣知縣蘇民仰未完銀  
一百八十五兩九錢四分三釐蘄州知州胡承  
烈未完銀一千一百六兩三錢三分七釐巴陵  
縣知縣安汝盤未完銀一千五百三十四兩一  
釐零以上一十四員俱全未完以上各州縣未  
完銀兩相應具題案呈到部該臣等會同戶科  
都給事中玄默看得輕齎一項係起剝漕糧脚  
價并運官完糧之需時刻難緩例與漕糧一同  
徵解越幫前進以濟急用如解官遲悞者照例

降罰有司怠緩者撫按叅處立法非不嚴且備也乃各有司積習因循有拖欠不完者有全不起解者疾呼不應置若罔聞

功令格而不行法紀弛而不張漸何可長今總漕督臣冊報天啓六年起至崇禎元年止共三年完欠數目并有司職名前來自當按法議處以重漕務但查輕齋一項向來未入考成故各司府州縣惟知京邊加派爲重別項之完數較多則此項之完數較少亦事勢所必至者也及今

不爲振飭則耳目不新漕輓不免遲悞若未經  
申飭而一旦俱照京邊之例一體降革則罷職  
及赴部改選者便計三四十員且多江左吳越  
大邑萬一選補稍未如期當此軍興孔棘徵調  
方殷之時其關係非淺鮮也合於嚴剔之中聊  
開自新之途就中分爲三等如天啓六年分南  
直深陽縣知縣韓謙宜興縣知縣駱天閑長洲  
縣知縣張茂梧浙江秀水縣知縣張叔鏜河南  
澠池縣知縣王雋崇禎元年分南直吳縣知縣

陳文瑞溧陽縣知縣丁聖時浙江嘉善縣知縣  
林先春桐鄉縣知縣楊兆升共九員俱未完一  
分例應住俸督催糧完開復無容再議矣如天  
啓六年分南直丹陽縣知縣許光岳金壇縣知  
縣劉宗祥江寧縣知縣王同鼎江西高安縣知  
縣胡承謨七年分南直宜興縣署印通判王惟  
善武進縣署印簡較王國祚句容縣知縣魏公  
韓崇禎元年分南直桃源縣知縣馬用錫宜興  
縣知縣李獻廷長洲縣知縣宋繼發浙江烏程

縣署印通判蘇象乾秀水縣署印通判譚任道  
嘉興縣知縣駱天閑共十三員俱未完二分三  
分按例應降俸二級今姑比照未完一分之例  
住俸督催如六年分南直無錫縣知縣吳大朴  
懷寧縣原冊未開職名山陽縣知縣孫肇興江  
西南昌縣知縣賴萬耀七年分南直江寧縣知  
縣夏之鼎邳州署印同知張年齡太倉州知州  
劉彥江西寧州署印簡較劉光奕崇禎元年分  
南直太倉州知州劉彥浙江歸安縣知縣張孫

振武進縣知縣岳凌霄長興縣知縣向鼎海

縣知縣田升年南直盱眙縣知縣孫徵奎無錫

縣知縣陳其赤海州知州段九章共一十六員

俱欠四分至七分者按例應降職二級及赴部

調用今姑比照未完二三分之例降俸二級戴

罪督催天啓六年分湖廣漢陽縣知縣王良相

南直海州知州董密桃源縣知縣李惟鳳鹽城

縣知縣楊世祿武進縣知縣羅華袞河南獲嘉

縣知縣程調羹盧氏縣知縣杜登天啓七年分

湖廣廣濟縣知縣張燮任巴陵縣經徵署印推  
官張虞龍南直長洲縣知縣宋繼發常熟縣署  
印推官王瑞旂海州署印同知李節之桃源縣  
署印通判陶安齡宿遷縣知縣吳錫徐州知州  
霍震寓崑山縣署印同知蔣爾第溧陽縣署印  
推官陳廷詔崇禎元年分湖廣漢陽縣知縣薛  
夢熊應城縣知縣蘇民仰蘄州知州胡承烈巴  
陵縣知縣安汝盤南直常熟縣知縣楊鼎熙崑  
山縣知縣李拯華亭縣知縣鄭友玄上海縣知



縣陳昌胤青浦縣知縣朱錫元句容縣知縣魏  
公韓高淳縣知縣莊鐸六合縣知縣蔡如葵徐  
州署印同知吳嘉言吳江縣知縣熊開元繁昌  
縣知縣白楠浙江武康縣知縣章文岳德清縣  
知縣余若麒共三十四員俱欠八分九分及全  
未完例應革職爲民今姑比照未完四五分之  
例降職二級戴罪督催以上住俸降俸降級各  
官俱展限三個月扣至六月下旬爲滿盡數全  
完聽總漕部院具題准與開復蓋輕齎原關漕

輓之重而

恩詔不在蠲免之科務期通完乃可追戾如再遲延  
逾限是各州縣自貽伊戚臣部科豈能更爲寬  
假哉惟是各州縣官去任見任各名色雖地方  
不無冊報而遺漏含糊者尚多恭候

命下之日容臣部移文總漕轉行各該衙門要見某  
係見任某係去任某經管某年見今係何官接  
管逐造青冊送部存案未完銀兩責成見任官  
督催全完俟三月後查照處分卽內有陞遷及

丁憂者應行見任及俟除補之日照例罰治至  
司道府亦宜一體查明分別另議俱不得借口  
再希寬政矣既經總漕督臣具題前來相應覆  
請恭候

命下臣部行文各衙門一體欽遵施行

崇禎三年三月二十四日具題本月二十七日奉  
聖旨這輕齋拖欠有司本當按法處治念係新飭姑  
依議分別降罰限六月內全完解進着總漕官依  
期查奏違的叅來重懲欽此

覆倉院叅運并停棹賣麩疏

題爲運并停棹賣麩凍稽糧運并查地方怠玩各

官謹遵

旨奏

聞懇

勅嚴究以懲積玩事雲南清吏司案呈崇禎二年十  
一月初二日奉本部送戶科抄出巡按直隸監  
察御史羅萬爵題前事等因奉

聖旨徐天祚曾生受嚴提究擬具奏仍速押封官餘

旗催進該道及沿途通判印捕官查明議處還責  
令相時催剝分界防護運弁戴罪守凍一併申飭  
該部知道欽此本日又該總督倉場本部右侍郎  
南居益題爲寒風驟烈河水沍凝欽遵

明旨查叅地方官員及總運逗遛各官事奉

聖旨漕船凍阻着查尾詳及米數具奏起剝事宜從  
長議行該道奉旨責成何得違玩周詩着查明議  
處運總各官戴罪守凍及私載官旗照例問擬地  
方官責令巡警毋得疎怠目前天氣轉和河融流

漸還敲冰儼剝不得坐待失時還一併申飭該衙門知道欽此欽遵通抄到部送司遵將漕船凍阻尾幫米數及運總各官戴罪守凍事宜移咨總督倉場衙門嚴行申飭具奏并道臣周詩通判申所養等怠玩官員移咨吏部酌處外其私載酒麴官旗徐天祚曾生受劄行坐糧廳嚴提究擬及天津霸州二道各照信地撥兵防護仍着務關通廳相時敲冰儼剝去後今奉本部送據坐糧廳郎中丁流芳呈稱行提私載官旗一千

人犯到官審據運官徐天祚與旗軍曾生受供  
報私帶酒麪一千六十二塊是實把總駱懋昭  
供稱于去年七月二十四日方接理總事而曾  
生受船隻已過淮河及至鈔關盤獲之日懋昭  
又奉委在後其中夾帶有無實係不知等口詞  
在案及按刑書條例所當分別叅處究擬以警  
將來但把總運官旗軍見在奉

旨賠糧米完應否俟其完糧叅送結案等因到部送  
司查得單例一款運軍土宜每船六十石外若

有多餘或違禁仍載竹木沉重等物及沿途收買貨物者將貨物盡數入官仍將違犯運官指名叅治等因在案今據該廳查審詳報前來相應題覆案呈到部該臣等看得漕運愆期阻凍河干恒繇于有司徵兌之遲滯亦繇于旗軍私載之逗遛屢奉

嚴旨申飭不啻至亟至切乃武德衛旗軍胥性受賄利是居法紀罔顧私載酒麪一千六十二塊致令船重難行沿途發賣逡巡不前且重船攔截



于前俾各幫凍阻于後營小利而悞大事其罪可勝誅哉運官徐天祚不能約束旗軍而反停棹飲酒押運之謂何運總駱懋昭職司督運責在稽查雖履任始于去年七月而沿途亦覺失於防範均應分別究處合將運官徐天祚照開幫違限之例降職二級仍革任回衛不許鑲營管事運總駱懋昭亦應從重降職二級示懲又近因捏報燬糧見被巡漕御史潘士遴查叅仍聽查明另行歸結旗軍曾生受私載酒麩先着

坐糧廳追出原物變賣入官充餉仍俟糧完之日  
咨送法司究罪發落庶法紀不致凌替而漕  
政可少振矣既經通廳具詳前來相應覆

請恭候

命下臣部行文各該衙門一體欽遵施行

崇禎三年四月初二日具

題本月初五日奉

聖旨是欽此

遵 旨查明監兌司官疏

題爲遵

旨查明監兌司官事雲南清吏司案呈本年二月二十二日奉本部送戶科抄出巡按直隸監察御史潘士遴題爲遵

旨回話事奉

聖旨舊例漕糧輕齋俱有一定限期何故凍阻拖欠卽如去年若早一月入京當不至有許多失燬煩費明係經管官怠玩可恨潘士遴按漕溺職姑從

輕降三級調外任用監兌官着戶部查明奏來其  
總漕及各督糧官姑俟新運到日另議以後輕齎  
完欠着巡漕御史載入舉劾已有旨了該衙門知  
道欽此欽遵抄出到部送司除速僨運務并輕齎  
責成巡漕載入考劾等項事宜通行總漕都察  
院及各該撫按監兌等衙門欽遵外案查崇禎  
元年十二月內該本部奉

旨題復監兌一疏原議督兌漕糧兼催漕折輕齎并  
一切金花京邊新餉等項折色錢糧見徵務完

十分帶徵務完二分有司不得視爲贅疣故爲  
延緩部臣不得視爲傳舍急于弛擔有違玩不  
完者會同撫按查叅等因業奉

欽依通行在案今奉前因該本司查得各省直漕糧  
開幫起行日期在山東監兌主事徐天鳳題稱  
三月二十六日開兌至閏四月二十八日通完  
開行奉

聖旨戶部知道欽此河南監兌主事鄭廷楫題稱四  
月初三等日開兌於本月十六日通完開行奉

聖旨戶部知道欽此湖廣監兌主事蔣範化奏稱閏

四月二十二等日開兌至五月十八日盡行開

幫奉

聖旨戶部知道欽此江西監兌主事林玄題稱三月

二十二等日兌起至五月十八日盡行開幫奉

聖旨戶部知道欽此浙江監兌員外郎王嘉言奏稱

開四月十九等日兌起至七月十七等日兌完

開行奉

聖旨戶部知道欽此又該王嘉言題報漕糧渡江緣

錄奉

聖旨浙糧七月方報兌完尚有海寧半運未發殊屬  
遲玩王嘉言俟差回考覈該部知道欽此南直蘇  
松常鎮四府監兌主事兀之偉奏稱四月十二  
等日兌起至六月二十八等日盡完開行惟上  
海一縣遲至七月十八日方完開行奉

聖旨戶部知道欽此又該本官題爲漕兌事竣等事  
奉

聖旨漕糧七月兌完殊屬遲悞兀之偉俟差回考覈

以後有訂違玩的監充官卽行叅奏包攬奸弊痛  
加禁革該部知道欽此俱通行欽遵訖又查得暨  
齋折蓆等銀山東一省額銀一萬七千八百六  
十九兩六錢自天啓六年起至崇禎元年止俱  
全完無欠河南一省每年額銀一萬六千六百  
六十一兩二分二釐六年分除完解外未完銀  
五百七兩三錢二分二釐七年及崇禎元年俱  
全完無欠湖廣一省每年額銀三萬九千二百  
六十九兩七分八釐六毫四絲六忽三微除完



解外六年分未完銀二千六百七兩三分八釐  
五毫七年分未完銀四千二百五十六兩三錢  
四釐二毫五絲崇禎元年分未完銀五千四百  
三十三兩三錢二分五毫一微江西一省額銀  
七萬一千六百九十五兩除完解外六年分未  
完銀三千一百八十二兩一錢三分七年分未  
完銀八百五十九兩二錢九分二釐九毫七絲  
九忽五微崇禎元年分全完無欠浙江一省額  
銀一十萬七千七百六十二兩五錢除完解外

六年分未完銀二千八百六十七兩七錢四釐  
七毫七年未完銀八十七兩七分五釐崇禎元  
年分未完銀九千一百四十二兩四錢八分二  
釐五毫南直蘇松常鎮四府每年額銀一十三  
萬四千三百七十七兩九分七釐三毫七絲七  
忽除完解外六年分未完銀一萬五千三百九  
兩九錢九分九絲七忽七年分未完銀四萬八  
千七百四十一兩六錢四分二釐八忽三微崇  
禎元年分未完銀七萬七千九百三十六兩三

錢一分二毫四絲三微八纖一沙四塵又據總  
漕咨送各府州縣開應淮揚等四府州三年  
共額銀八萬七千三百二十九兩七錢六分共  
未完銀一萬九千八百三兩六錢六分七釐七  
毫六絲二忽五微通計全漕輕齎等銀自天啓  
六年起至崇禎元年止三年共額銀一百三十  
萬三千二百九十六兩三錢二分九釐六毫三  
絲一忽二微除完解外各該省直扣除河工修  
船置袋買銅折蒭等項共一十一萬二千八百

八十五兩八錢七分五毫六絲一忽三微又因  
府第宗祿官軍行糧雇船等項借用銀五萬四千  
四百一十五兩八錢三分四釐八毫八絲四忽  
五微五纖見今續解到銀九萬八千九百五十  
七兩六錢九釐七毫四絲二忽又開開起解未  
到京銀八萬七千一百兩八錢九分九釐四毫  
八絲九忽一微一纖八沙六塵實未完銀一十  
九萬七百三十四兩四錢五分七釐三毫四絲  
七忽七微八纖一沙四塵相應具覆案呈到節

該臣等看得漕糧輕齎二項相爲表裡徵解原  
有定期輸納不容少緩第積習日久怠玩成風  
漕糧兌運愆期節年阻凍輕齎起解延緩逾欠  
相仍皆緣有司未入考成之例視爲不急之圖  
業該總漕摘名題叅臣部按例酌處覆奉

欽依分別降罰戴罪督催在案其監兌司官奉

旨令臣部查奏及查去歲漕糧開幫起行之期山東  
河南江西湖廣俱在五月之前而浙江南直至  
七月開行是則不免有稽遲之議耳及查輕齎

銀兩自天啓六年起至崇禎元年止山東每年額銀一萬七千八百六十九兩六錢俱全完無欠河南每年額銀一萬六千六百六十一兩二分二釐止六年分未完五百七兩餘湖廣三年共額銀一十一萬七千八百七兩二錢零未完一萬二千二百九十七兩零計及九分以上是皆完及分數今監兌司官徐天鳳蔣範化俱經考覈奉

旨紀錄而鄭廷楫又已報病故矣江西三年共額銀

二十一萬五千八十五兩崇禎元年全完無欠  
止天啓六七兩年未完四千四十一兩零所欠  
不及二釐是亦完及分數而監兌司官林玄亦  
無容別議矣南直蘇松常鎮四府三年共額銀  
四十萬三千一百三十一兩二錢九分三釐未  
完銀一十四萬一千九百八十七兩八錢五分  
零蓋南直欠數較別省爲獨多而總計額數較  
別省亦數倍然兌運旣愆其期而輕齎又未及  
額其監兌司官兀之偉已蒙

皇上處分降職二級調外任用矣浙江三年共額銀  
三十二萬三千二百八十七兩五錢未完一萬  
二千九十七兩五錢五分零所欠僅及三釐監  
兌司官王嘉言亦應在免議之列惟是督運漕  
糧開幫居後奉有差回考覈之

肯但本官漕事稽遲止在海寧一處而海寧因水災  
之後地方士民希與改折撫按咸爲抗章監兌  
司官烏能奪之是法雖可議而情若亦可原也  
今或候回部日再行考覈或卽量爲罰俸一年



仍令照舊管事寓使過之仁於飭法之中

恩威出自

聖裁非臣部所敢擅決耳至于輕齋未完之數先據  
坐糧廳開報天啓六年起至元年止三年共欠  
五十餘萬今據總漕冊開該省直扣除河工驗  
船置袋買銅折膳等項一十一萬二千八百餘  
兩又因

府第宗祿行糧雇船等項借用銀五萬四千四百  
餘兩又冊開起解未到京銀八萬七千一百兩

八錢零實未完銀止一十九萬七百二十四兩  
零是坐糧廳所報者據原額之總數而言也其  
省直借用與起解在途者近因總漕冊報始知  
又非臣部之所能逆料也今惟有責成漕運衙  
門將實在未完并那借別用之數俱亟催來京  
以濟急用勿作紙上空談可耳嗣後嚴行申  
飭務要漕糧依期早到輕齋如數全完有違限  
者總漕巡漕與監兌官照例叅處勿少寬假庶  
功令肅人心惕而漕事可少振矣既經該司彙呈

前來相應覆

請恭候

命下臣部行文各該衙門一體欽遵施行

崇禎三年四月初三日具

題本月初八日奉

聖旨這漕兌輕齋已完徵欠查核既明姑准免議王  
嘉言候差回考覈其河工等項扣除借用的係何  
地何說都詳列具奏實在未完及起解在途銀兩  
還責成該衙門亟催來京以後違限依例參處不

得寬假欽此

覆諮贊周夢尹條議臨德等倉銀米解京疏

題爲招兵正以無兵加餉正以無餉謹折衆論之  
紛以策兵食兩足事雲南清吏司案呈奉本部  
送戶科抄出兵部職方清吏司郎中諮贊薊遼  
軍務周夢尹奏前事等因崇禎三年三月十三  
日奉

聖旨西南方當善後應否遠調多兵臨德等倉銀米  
那移解京是否妥便着該部科一併確議覆奏欽  
此欽遵抄出到部送司該本司查得疏內練主

著停招募與調黔蜀等兵事隸兵部應聽該部  
議覆惟加餉催餉并那解臨德等倉銀米進京  
事屬本部相應議覆案呈到部該臣卽會同戶  
科都給事中玄默等看得遼左發難以來徵兵  
徵餉殆無虛日前任計臣不得已而加派地畝  
又不得已而徵輸雜項無非借兵以衛民故不  
得不借民以養兵貽之以安而非予之以厲也  
維時奴患尚在關寧以外距

神京仍千有餘里今且連營結隊屠我郡邑而薄

我

都城矣入衛之兵雲集索餉之檄疊至臣等支應  
維艱點金無術故內而祈請

帑金外而差催額餉豈好爲多事哉亦萬不得已  
也兵部郎中周夢尹慮周民隱條議不加賦而  
兵食足其設心亦甚苦矣惟是局內之籌與局  
外之觀從來原分議任之兩途行之者未必如  
其言言之者亦未必卽可行臣等但求同心無  
取同調則纏纏借筋亦尚有可商者疏中除調

兵等項俟兵部議覆後臣等惟有如額措餉已耳若臨德等倉銀米就近解京以實京庾誠不失

祖宗朝建倉遺意但此項銀米臣前再議措餉未盡事宜一疏以奉 聖 旨 解學龍等酌議具題內各倉存積實屬一說云

國家自京通各倉外沿河一帶設有天津臨德淮徐五倉查京通各倉每報掃積餘米動至數萬而沿河各倉無聞焉則以隔遠而照管不及也



案查節年管倉司屬搜括助餉款項臚列頗悉  
除見銀勒令解部外以後卽以此銀坐定該倉  
解京克餉是亦無損倉庾有益軍儲所謂不加  
賦而財用足者亦或一道也惟望司庾各官同  
心急公委曲濟補庶有當耳異日回部考覈卽  
以多寡爲殿最等因本年二月十六日具題業  
奉

俞旨申飭在案及查節年額派完欠之數查得徐州  
倉原兼商稅歲額四千餘金內淮撫題改軍餉

四百兩該解京三千六百餘兩充舊餉近年又  
議增新餉銀一萬五千兩淮安倉原兼四稅內  
以二萬五千兩充本地支用以五千餘兩解京  
充舊餉近年又議增新餉銀一萬五千兩二項  
年來淮倉完解已多餘倉尚不及額臣前題議  
照數亟催有年終不完者卽令會同撫按具奏  
要見因何不完違者叅究臨德雖無商稅而倉  
糧頗多案查天啓五年議發二倉積米以爲津  
門海運之用嗣是臨清倉天啓六年派米五萬

石七年派米四萬石崇禎元二年各派米三萬  
石德州倉崇禎元二年各派米二萬九百石又  
崇禎元年工科給事中劉安行建議通將臨德  
二倉自天啓元年起至七年止未完本色俱改  
折色充餉查河南該銀二十二萬二千一百一  
十餘兩內除蠲免并納本色銀三萬四千二十  
餘兩實解到部銀一十二萬九千七百九十餘  
兩尚未完銀五萬八千二百九十餘兩山東該  
銀一十一萬七千六百一十餘兩內除納本色

銀八千三百餘兩實解到部銀七萬五千九百六十餘兩尚未完銀二萬三千三百四十餘兩又近日德州倉主事徐天鳳回部考覈查得庫貯青登萊米折天啓七年先給薊州餉銀一萬永平餉銀二萬仍見存銀四萬三千餘兩見今行文勒令解部是各倉銀米臣部久已搜括取用固未嘗遺近而驚遠舍易而圖難者也如謂各倉米石就近解京照運抵補可杜邀劫可免凍浥未爲非策但各倉本折俱有款項如徐州

衆福倉廣運倉淮安倉俱原備江北及徐州揚州各衛所官軍運軍行月二糧之用德州常豐倉亦備德左二衛官軍俸糧之用惟臨德二倉貯米

祖制原備各處災傷改折撥補漕糧四百萬石之數稍有贏餘然連年所用亦多矣今欲一槩解京恐各倉非能濟於不涸之源也且非但解抵而已又欲以省直漕糧扣償恐起旗軍逗遛觀望之心且增水次出入腳價之費是求速而反得

遲非有利而無害者也今惟申飭徐淮二倉務  
完舊額新增二餉之數申飭臨德二倉務完積  
米歲額接濟海運仍將前項拖欠米折盡數解  
京以充新餉則所裨於軍興餽餉者鉅矣既經  
兵部郎中周夢尹陳議前來相應覆

請恭候

命下臣部行文各該衙門一體遵照施行

崇禎三年四月初四日具 題本月初七日奉

聖旨是欽此

亟請補造漕船剝船疏

題爲亟請補造漕船剝船以濟糧運以裕儲蓄事  
雲南清更司案呈本年三月十四日奉本部送  
准工部咨爲倉庾未充漕運宜急謹陳造船要  
務以佐漕政以實京儲事題覆總督倉場本部  
尚書孫居相題

請速造缺額漕船緣繇奉

聖旨漕船依議着各該撫按選委廉幹官勒限分造  
南部拖欠船價速催解廠以濟運務仍將倉臣條

奏各款編入議單飭行其駕船旗軍等弊嚴行禁革經管各官聽總漕查覈分別勸懲欽此咨會到部送司案查先該巡漕御史潘士遴題報各衛所官旗領運漕船自通州以至張家灣一帶被虜燒燬九百七十八隻又據坐糧廳郎中丁流芳呈報被虜燒燬軍白糧裡河剝船一百二十二隻石土二壩外河軍白糧剝船二百五十三隻半河西務鈔關主事劉孔敬呈報被虜燒燬剝船三百四十八隻俱經題報訖續據郎中丁



流芳呈爲亟請補造剥船事內開裡河剥船原  
燒一百二十二隻內全燒者八十隻有燒頭燒  
尾燒中一二船者四十二隻酌量折算准作全  
燒者一十九隻共全燒船九十九隻內軍糧剥  
船八十四隻白糧剥船一十五隻業蒙本部批  
准補造每隻給料價銀六十五兩共該銀六千  
四百三十五兩在案其燒燬外河剥船石壩一  
百一十八隻土壩六十隻半白糧剥船七十五  
隻相應亟請補造及查外河船體較裡河稍大

每船多蓬桅銀二十二兩五錢等因到部查得  
價數未明復行駁查減損去後隨據該廳備查  
明確詳請前來奉批據查外河剥船石壩燒燬  
一百一十八隻土壩燒燬六十隻半俱准速行  
補造每隻照裡河剥船六十五兩之外准再加  
蓬桅銀十五兩共八十兩通計該銀一萬四千  
二百八十兩每隻先給銀五十兩共先給銀八  
千九百三十五兩餘俟續給仍議作何扣抵具  
報白糧剥船聞有外解船價在庫俟查明再議

隨據該廳請造限滿白糧剝船及存庫銀兩緣  
繇到部奉批白糧剝船准先造四十隻照外河  
剝船例每船銀八十兩共銀三千二百兩除存  
寄庫銀二項共一千二百二十餘兩支用外餘  
於太倉輕賞銀內照數找給作速攢造其燒燬  
七十五隻姑俟此船造完及加派銀到再議又  
據主事劉孔敬呈爲夷變燒燬剝船乞援通例  
成造以甦民困事內開本關剝船八百隻原限  
十年爲期例於淮廠造解所需料價例於淮揚

二鈔關稅銀內動支用過船價每年於各役運  
過腳價內扣除還官今值新運勢不容緩若候  
准造恐稽運務合照通例就近排造等因到部  
奉批准造無及准先排造一百隻該銀八千兩  
准先給銀五千兩選委殷實船戶刻日辦料興  
工務在稽查精密早見成功勿令船戶侵漁其  
餘仍候查照舊例題

請准造又據空運廳主事林弘衍呈爲請發補造銀  
兩以濟新運事內開昌密兩鎮被虜燒燬泓船

六十三隻舊例每隻給價五十七兩五錢內昌  
鎮五十一隻該銀二千九百三十二兩五錢密  
鎮一十二隻該銀六百九十兩等因到部奉批  
排造泓船六十三隻每隻發銀五十七兩五錢  
既有定例難以議增姑俟輕賞至日給發該廳  
又稱兩鎮每年舊例抽造一百四隻今除補造  
六十三隻之外再加造四十一隻共足每年抽  
造一百四隻之數每隻五十七兩五錢共該銀  
二千三百五十七兩五錢等因到部奉批據議

排造泓船事宜已明准照行卽具領以憑給發  
但年久排造恐亦有名無實不過飽經紀之谿  
壑恣衙役之蠹蝕領銀則有船運糧則無船矣  
今須大釐積弊親驗興工完工其銀或總領續  
發務期實用不得捏報造完了事已也各等因  
通經查明察呈到部該臣等看得糧運急需惟  
船是賴查上年過淮漕船止七千二百五十二  
隻較原額一萬二千一百餘隻缺數已多今又  
被虜燒燬九百七十八隻則糧運何以湊手卽

多方雇募爲目前計終非長久無弊之策也故  
倉臣孫居相有謹陳造船要務以佐漕政之疏  
工曹以淮廠歲造額船不暇而有各省直分造  
之議蓋缺船數多工作殷煩且限以秋盡冬初  
完報濟運爲時已迫定非一手一足所能猝辦

奉

明旨着各撫按選委廉幹官員勒限分造矣是歲造  
之船自在淮廠而燒燬之船責成府佐所需料  
價原有軍三民七辦解額銀今果足用否也漕

船乏在江北江南及浙江江西湖廣者每處各該補造若干各委何官管理亟爲蚤定不可悠悠忽忽涉歷居諸者也清江分司成造漕船乃其專責今雖分任於府佐猶恐緩不及事則該廠歲造船隻務宜增加其額以備乏絕不可遂爲卸擔之計亟宜預爲申飭者也是必

賴令總漕部院亟行查明委用分投料理而仍據實奏報以便責成可耳若夫蕪關之船料盡數湊解造船之積弊加意滌除造完之限期勒定冬初



則倉臣與工部言之詳矣臣不必再贅也至於  
務關剥船燒燬三百四十八隻舊例淮廠造解  
亦曾令江廣分造今需船甚急遠難猝應應照  
通例就近先造一百隻以濟急用每隻准價八  
十兩責成主事劉孔敬督造其餘二百四十八  
隻仍令淮廠造解一百八隻江西湖廣各造七  
十隻亦事之不容已者也又五閘石土二壩裡  
外河軍白糧剥船燒燬三百七十五隻半今查  
有全燒者有半燒者通共折算三百五十二隻

半內裡河九十九隻每隻准價六十五兩外河  
二百五十三隻半每隻准價八十兩責成郎中  
丁流芳督造又昌密兩鎮燒燬泓船六十三隻  
又加造四十一隻共一百四隻以足每年抽造  
之數每隻准價五十七兩五錢責成它運廳主  
事林弘衍督造其所用過銀兩俱於各役腳價  
內扣除還官通限五月下旬報完濟運前項料  
價俱經臣部再四駁查似無虛冒之弊其准廠  
及江廣分造剥船勒令初冬抵灣以上所定限

期如過限不完者悉行照例叅罰總之漕船剝  
船均係糧運急需既已分造爲力頗易在事諸  
臣務期竭蹶趨事如有違悞三尺具在臣部斷  
不能曲徇以重誤

國計也既經該司察呈前來相應題

請恭候

命下臣部行文各該衙門一體欽遵施行

崇禎三年四月初十日具

題本月十三日奉

聖旨是欽此

查報漕河文移稽遲疏

奏爲恭報江廣回空等事雲南清吏司案呈崇禎  
三年四月十二日奉本部送總河部院李若星  
題前事奉

聖旨據報回空盡南東運盡北李若星還嚴飭管河  
各官沿途濟僨如漕船自行捱遲卽據實叅來本  
內前旨係三月初一日批發何至今月方得接咨  
事關漕務如此玩延着查明行移月日稽閣緣繇  
回將話來該部知道欽此欽遵到部送司案照先

該巡漕龔御史題爲回空盡抵清源不意水淺  
舟滯萬分可慮等事奉

聖旨漕艘水淺回遲因繇旱涸亦係各管河官挑濟  
無方本該議處且着策勵設法急竣回空具奏民  
船果否堪多僱覓總漕及撫按一面酌行勿致滋  
擾龔一程速催新糧并官旗赴運卽與飭行該部  
知道欽此於三月初一日晚刻接到

紅本到部初二日送司該本司卽日抄謄原題事  
理具稿於初三日呈堂奉批速行當卽責成承

行書手丁應信謄寫咨文初四日先行總漕部  
院及都察院轉行巡漕御史初五日行應天撫  
院及漕儲道初六初七兩日通行浙江江西湖  
廣山東河南各巡撫及工部轉行河道衙門去  
訖但查漕糧係本司經管而各項疏劄一時併  
集如初三日則有恭報轉運一疏初四日則有  
考核監兌主事蔣範化及元之偉二疏初六日  
續有恭報轉運入京凍糧及轉運貯津漕米二  
疏初七日又有捉獲船戶挿和及覆題條陳

輕賚事宜二疏中間繕寫章奏磨冗數目既非  
一手一足之力又因奴虜燒船等事移咨都察  
院又因遵

旨起運等事覆咨津門又因戶科題叅玩法有司等  
事移咨吏部其它銷算倉糧給發運價之役不  
可枚舉書役幹辦不能一時卽完按日計期委  
有稽悞其工部公文一角據原差陳憲回稱初  
八日實因發咨報房致悞工部投文初九日因  
該部出查河工未放投文至初十日始獲投遞



該部隨於十三日轉發總河訖今總河部院題稱四月初一日方接工部咨文其間沿途有無遲滯非本司所敢遙度今奉前因相應回奏案呈到部該臣等看得事干

欽奉前件卽頃刻不宜停留况漕河爲糧運血脉其關切宜何如重大臣自聞警以來夙夜在公不敢一刻暇逸但係漕務卽當食不妨廢筋而該司屬亦斤斤奉法惟謹今查巡漕御史龔一程題報回空盡抵清源一疏原於三月初一日奉

旨初二日發司繕稿初三日呈堂批行初四日隨  
行總漕部院及咨都察院轉行巡漕御史訖其  
餘仍有浙江江西湖廣應天山東河南各巡撫  
并漕儲道及工部轉行總河部院等衙門共計  
公文十角兼以全寫原疏行移稍長陸續書成  
僉押至初七日方竣祇因該司漕務方殷案牘  
蝟集書胥幹辦不前遂致有愆時日至於差役  
投遞又悞一日適值工部公冗又遲一日臣部  
堂屬有失稽查督催誠無所辭罪矣聞工部於

初十日收文亦卽於十三日行文似未爲遲乃  
至四月朔日方到總河衙門其間道途遙送人  
役文似別有延遲而非臣部之所能知也除將  
書役丁應信差役陳憲從重責懲臣率該司官  
席彙待罪外相應回

奏

崇禎三年四月十三日具

奏本月十七日奉

聖旨漕河要務文移時刻難稽如何經閣旬日念因

公允該司官姑不究工部行文沿途何處耽緩卽  
着李君星挨查究處以後緊急公文須舖遞兼程  
速發着行各撫按通與申飭該部院知道欽此

覆郎中周京被倉役池宗智訐奏疏

題爲遵

旨直鼓事雲南清吏司案呈三月二十三日奉本部  
送戶科抄出戶科給事中裴君賜題前事奉

聖旨方明員池宗智狀內事情着該部嚴查具奏欽  
此欽遵抄出到部送司除方明員所告范茂等  
事情聽工部查奏外查得疏開池宗智係通州  
中倉北門右四官下小甲告爲棄命鳴冤經校  
盜侵事禍因蠹

國貪官周監督通州中南兩倉任事一年經收

國儲倉糧官軍命脉

國朝根本蠹經收大河等二十餘衛所交納漕糧  
十萬餘石折掛欠糧蓆貪銀六千餘兩串通心  
腹竄啓福受賄過付詹泰巖等證放過大小京  
通官軍月糧五十餘萬石趙邦利等證思蠹任  
事經收盜侵萬金蠹

國獨吞律法豈容奸臣貪官諸人誅之告懇天恩  
憐准拏問正法剿蠹抄沒濟邊賞軍嗷嗷哀告

聖至尊詳狀施行計粘單一張等因事干倉務合  
咨總督倉場先查收放糧斛併委京通二糧廳  
再審詞內證佐方便回

奏呈堂奉批郎中周京未下吏訊則所審問不過  
倉中諸役及原告之口與簡查倉中之案牘稽  
核倉中之錢糧已耳况屬京通二廳會鞫則非  
一人一官之事也亦惟秉持

國法之公論而已近日回

奏限迫無容久稽奉此隨于二十四日移咨總督

倉場衙門轉行京通二廳會同查審仍緝行申  
南倉傳員外備將周郎中任內收放廩口糧數  
查造冊報去後續據京糧廳郎中竇星通糧廳  
郎中丁流芳呈稱倉役池宗智搥鼓一事干係  
回

奏職等望輕位卑恐一二人不能定是非之衡事  
惟集衆乃可廣益乞于本部各司擇其才幹敏  
練者多委五七員庶耳目廣則法令一又款開  
折米一事惟盤過廩口方可徹底清楚等因到



部奉批倉廩所關會審事重准再委福建司郎中成珍雲南司郎中楊應震員外郎林一柱主事趙建極協同會審秉公執法務無枉縱其收米放米折米等事須查卷案而盤厥口方得清楚悉如議行復經屢次行催去後至四月十一日據通糧廳呈送中南倉傳員外造報周郎中任內收放過糧斛并實在糧數文冊前來內開本官於崇禎二年三月二十五日到任至三年四月初八日止共收過漕糧三十八萬四百三

十八石七斗二升三合放過二十八萬七千九百七十八石五斗四升零剩下米九萬二千四百六十石一斗八升二合零復蒙本部抽點六廠分委空運廳主事林弘衍西倉員外路來賀中南倉員外傅國俊每員各盤二廠劄行去後至四月十九日奉本部送據空運廳林主事回稱盤得陞字五廠除應放正耗尖米三千九百五十石外餘米二十二石零殿字四廠除應放正耗尖米一千五百六十九石零外餘米十二

石又路員外回稱盤得雅字三厥遼糧平梗米  
九百四十八石五斗七升九合四勺一抄照數  
盤足堅字二厥改充正耗尖粟米三千四百四  
十一石四斗七升五合一勺照數盤足外餘米  
二十五石又中南倉傳員外回稱盤得爵字三  
厥正耗尖粳米四千三百三石六斗二升二合  
四勺足數外餘米二十六石持字二厥正耗尖  
粳米二千八十三石一斗四升足數外餘米一  
十一石各等因又查本部先於本年三月初七

自據監督中南倉員外郎周京呈詳歇脚黃應科王明等六百二十四名各借倉糧共八百二十七石六斗欲以崇禎二年未給脚價二千五十餘兩內抵算緣繇到部奉批歇脚之窟穴養於倉者爲日久矣卽有警而役使之薄給價值亦往役之宜然而又私借倉米姑息小惠誠不可以爲訓也今復假此以挾索工價尤爲可恠查新漕入通倉者爲數無幾其進厥工價何得頗有二千五十餘兩果捏報乎抑實情也據議

扣銀抵米可否允行通糧廳查議確報去後隨據該廳回稱同員外因虜警戒嚴各役貧苦暫借倉糧以恤其私維時呈請上裁或移職商確則無蹈今日之咎今若寬其處變則委有可原之情若繩其市恩則難道私借之誚惟是用米抵工委難輕議然進倉顆粒幾費艱辛虧廩於倉將用何補等因到部奉批倉糧非奉明文升合不可妄動而私借至八百餘石雖曰軍興漸豈可長卽有進厥工價可抵恐亦不宜遽開侵

蝕之端原借米石候於脚米內按月扣除在案  
等因今據前因方擬日會審間又據京糧廳郎  
中寶星通糧廳郎中丁流芳呈稱蒙本部劄付  
責委會審周郎中收放緣繇因盤厥查數未經  
回報難以單詞定案今幸查數已明訂期於本  
月二十一日會審適見邸報巡按直隸監察御  
史張學周一本爲餉司又失人心等事奉

聖旨何朝宗已有旨了周京着革了職巡按御史速  
行查勘具奏欽此職等竊思身非法官人微望輕

原不足以定成案卽有臺臣之查勘則各官之  
會審似爲附贅伏望行司再查盤過厥口米數  
有無情弊卽可據冊報

命職等非敢推卸想辜權欲一當以御史疏爲據無  
容多官之聚訟爲矣等因到部奉批雲南司查  
議具題奉此案呈到部該臣等看得原任監督  
通州中南倉江西司員外續陞河南司郎中今  
革職周京被倉役池宗智訐告業經臣部行委  
京通二廳續又添委司官四員協同會審及盤

查本官任內收放過糧斛并實在糧數方便回  
奏今據原委空運廳主事林弘衍西倉員外路來  
賀中南倉新任員外傅國俊回稱本官任內收  
過漕糧三十八萬四百三十八石七斗二升三  
合放過糧二十八萬七千九百七十八石五斗  
四升一勺二抄四撮八圭八粟實剩米九萬二  
千四百六十石一斗八升二合八勺七抄五撮  
一圭二粟又經本部抽點倉糧六廩逐一盤查  
共計糧一萬六千二百九十五石八斗一升零



今除正數足額外尚有餘米九十六石則其餘似可類推而馭內原無侵欠矣惟是本官在任之時因虜警告急各役稱苦私借倉糧八百二十七石六斗欲以未給工食扣抵乃倉米業已支給而扣銀尚無着落先經臣部批駁在案及查池宗智揭內亦有此說見今議令於脚米內扣還是亦本官市息溺職之一端也况倉役下流而公持其短長冠履倒置而大紊乎紀綱則本官之威望不足以肅下德業不足以服衆又

可知矣但臣部方奉

旨嚴查而未得其要領今又新奉

明旨着巡按御史查勘具奏且臣部司屬終有同官僚寀之情誠不若付之乘驄持斧之臣猶得以盡法查勘而無所顧忌也則前案應聽巡按衙門從一歸結無容議矣相應將原抄單款候

命下日一併抄送查審庶憲紀昭明而

欽件早結矣既經該廳具呈前來相應題

請恭候

命下臣部行文巡按衙門審究施行

崇禎三年四月二十四日具

題本月二十七日奉

聖旨周京倉糧事情着巡按御史勘問具奏該衙門知道欽此

題京軍月糧預給六月本色疏

題為預給月糧以全軍命事雲南清吏司案呈奉

本部送准總督京營戎政少傅襄城伯李守鐸  
總督忠勇營提督京營大小官軍協同城守事  
宜司禮監秉筆太監李鳳翔協理京營戎政兵  
部尚書閔夢得連名手本前事內稱三大管官  
軍前三四月每軍通倉預支月糧二石脚價高  
貴通倉至京僅覓頗多二石不值一袋貧軍見  
今擺守兼赴管操今五月之糧給放折色尤恐

久候卷查二月內准貴部咨爲支放官軍月糧  
事內稱三月四月俱作通倉一給粟米一給粳  
米四月應折俟五月補給似爲調劑得宜備行  
在卷兩月之糧各軍已赴通關支訖但二月之  
餉支限在旬日是爲快軍所需但弗知其中止  
獲一粳米可得實用其粟米一石盡作腳費誠  
有名無實付爲烏有矣目今三軍枵腹之際爵  
等躊躇再三合應比照三四兩月之例希貴部  
行令旗手等衛所速造軍冊將六月之糧預坐

京倉先行放給仍一面續發五月折色庶爲通融兩便之計等因到部送司奉批據議五六兩月軍糧本折一齊放給極得體卹調劑之宜雅令速造軍冊行下糧廳坐派新糧太倉庫動支漕折卽與支放雲南司查議具題奉此案查京營官軍月糧三月補放通粟四月預支粳米折色俟五月補給業經題奉

明旨遵行在卷今戎政衙門以三四兩月月糧赴通關支駝脚爲艱止獲一粳之實用目今三軍榜

腹之際欲將六月糧米預坐京倉先行放給仍  
一面續發折色一轉移間而三軍藉以飽騰矣  
然事關更張錢糧必須題明方敢舉行相應具  
題案呈到部該臣等看得京軍月糧支放本折  
自有

欽定 則例年來外解愆期太倉空匱  
行更易致令各軍守候艱苦臣於去年九月間  
因十月係放折色月分而外解中  
粟以抵折色嗣後不許更易那移永爲遵守

月放折此其時矣但虜騎在郊城守戒嚴三軍  
宜加優卹月糧難拘成例茲五月月糧除支折  
色外戎政衙門復念各軍擺守管操之苦又以  
預放六月本色爲請誠體悉三軍之至意况凍  
糧起運進倉者俱係露囤窖藏中多水氣一經  
炎蒸恐有溼爛之虞今預放一月在各軍藉此  
以資飽騰在倉庾因之而免紅腐計無便於此  
者旣經該司案呈前來相應題

請恭候



命下臣部行文各該衙門一體欽遵施行

崇禎三年四月二十六日具

題本月二十八日奉

聖旨營軍月糧准預給一月以恤勤勞該衙門知道

欽此

題覆總漕輕賞隨糧道臣併催疏

題爲輕賞隨糧之法當嚴道臣併催之職當盡謹  
題明以重責成以免再誤事雲南清吏司案呈  
奉本部送戶科抄出總漕部院李待問題前事  
等因奉

聖旨督催輕賞責成糧道前二月初科疏奉旨已明  
李待問何至今條奏該部曾否咨行着明白說來  
這本內舊欠銀數着一併速催其直隸各道彙送  
押運道臣速罰仍各道自任准如議縣糧起解府

司寢閣係省直積弊史應選着住俸解完還着該  
撫按官查明延悞緣繇具奏該部知道欽此欽遵  
抄出到部送司案查輕賚銀兩先該戶科都給  
事中解學龍題爲條陳輕賚事宜以杜弊竇以  
足

國計事二月初九日奉

聖旨這輕賚銀兩積弊已久宜速清核今後着各省  
管糧道臣自實自發事竣開報部科存案內即於  
該道名下追補餘七分并河南山東銀竟解京庫

其應發時該管坐糧司官申請堂劄開會該科總  
聽稽查不得如剛任意銷用歷年拖欠已有旨立  
限嚴催着再申飭該科這疏甚有清緒以後務各  
永遵該部知道欽此欽遵抄出到部送司初十日  
擬稿呈堂十一等日業經通行總督倉場總漕  
部院及山東河南浙江江西湖廣應天各撫院  
并都察院轉行巡漕巡按各該御史漕儲道京  
通二糧廳太倉銀庫及六省監兌等各該衙門  
卽將輕賫銀兩今後以三分着各省管糧道自

賚自發事竣冊報有欠的卽於該道名下追補  
餘七分并河南山東銀竟解京庫俱已欽遵外  
續該本部仍將科臣原疏逐一查議具疏覆

請三月初十日奉

聖旨這輕賚支放分管責成依議行還着嚴催外解  
歲扣餘銀充餉欽此欽遵抄出到部送司亦卽於  
十三十四等日照前通行總督倉場總漕部院  
山東河南浙江江西湖廣應天各撫院都察院  
轉行巡漕巡按各該御史并劄漕儲道六省監

兌并京通二糧廳務開挖運廳大通橋等衙門  
欽遵訖至於舊欠銀兩又該本部遵奉

以旨會同戶科將總漕冊開天啓六七兩年及崇禎  
元年各官職名并舊欠未完銀一十九萬七百  
有奇及借用五萬四千四百餘兩參看具題分  
別降罰於三月二十七日奉

聖旨這輕費拖欠有司本當按法處治念係新飭姑  
依議分別降罰限六月內全完解進着總漕官依  
期查奏違的叅來重懲欽此亦俱通行總漕及各

該撫按等衙門勒限完解去後今總漕部院  
議各糧道將輕賚銀隨糧嚴催一併速解仍責  
押運糧道抵津之日將所屬完解數目具疏奏  
聞相應照議題覆案呈到部該臣等看得漕運關軍  
國命脉而輕賚係漕運急需先是二月內科臣解  
學龍有條陳輕賚事宜一疏於初九日奉

百科抄到部該雲南司擬稿呈堂卽於十一十二等  
日通行總倉總漕六省直巡撫都察院轉行巡  
漕巡按御史并劄漕儲道京通二廳太倉銀庫

及六省直監兌司官共衙門二十餘處訖至三月內臣部又將科臣原疏查議具覆於初十日奉

旨科抄到部又於十三十四等日仍行前項各該衙門并知會戶科及務關它運大通橋各司官訖是兩谷通行在總漕部臣所爲耳而目之者然矣茲李待問條奏入

告而

聖明疑其後期詰問臣部曾否咨行着明白具奏具



因取科臣原疏而逐一細釋之則其中亦有未  
同小異者科臣疏內原請著爲令者輕賫三分  
給付糧道沿途支用不得虛糜所餘七分不解  
通庫而解太倉一切支領俱聽部發移送戶科  
查覈此科臣之疏曾經臣部覆議允行者也總  
漕疏內欲將輕賫銀兩一槩責成糧道隨糧催  
解仍俟押運抵津之日備將各屬完欠數目具  
奏其直隸各道銀聽押運道臣彙解而逋罰仍  
各道任之此總漕之疏所爲新微

御覽者也科臣之意重在改通入京俾錢糧清楚而  
未責催解於道臣總漕之意重在稽查完欠俾  
自行

奏繳而必期盡更夫積習是兩疏者原不相悖而  
實相爲用總之爲

國之苦心也但後疏未經點出前

旨致有扞格耳至如臣部前查叅疏內未完輕贖銀  
一十九萬七百有奇并因造

府第給行糧等項借用銀五萬四千四百有奇雖

中間有六七兩年者而輕賚原不在蠲免之限  
照舊催解似難少緩

明旨所謂舊欠銀數一併速催者誠洞若觀火矣通  
俟今歲完運之日總漕不論久近一體以白簡  
從事則所賴以清宿逋而襄運務者也若夫縣  
糧起解司府寢閣又係從來相沿積弊然就中  
州縣有實未嘗完而捏報虛數以免叅罰者其  
情態亦復多端今史應選任俸完解既奉有

明綸矣一切延誤緣繇仍聽撫按查明具奏再行

飭庶積玩知警而

國計有濟也既經總漕部院具題前來相應覆

請恭候

命下臣部行文總漕等衙門一體欽遵施行

崇禎三年四月三十日具

題五月初五日奉

聖旨輕賚原係隨漕今漕務已槩責糧道豈輕賚又有另屬前旨甚明不必曲解這所報行咨日次知道了司府係錢糧總關盡數亟宜振剔若州縣規

數虛報上官何不查叅以後着一體嚴覈爾部再  
通飭行欽此

覆應天巡撫漕運歲歲速行疏

題爲漕糧暫行募運不止速一歲之漕實可速向  
後歲歲之漕謹就臣親行督察者據爲膚見仰  
乞

聖明嚴勅以垂永利事雲南清吏司案呈四月二十  
二日奉本部送戶科抄出應天巡撫曹文衡題  
稱前事等因奉

聖旨漕船早回早兌是僨運要着這疏臚陳情弊甚  
晰條議各款俱明切中繁曹文衡足見留心還着

該部摘要具覆以便飭行務期蠹絕弊除便民裕國著爲漕規長計該部知道欽此欽遵抄出到部送司相應具覆案呈到部該臣等看得漕運之遲迄今十餘年矣人人知之歲歲言之而卒不能挽遲爲速者則先事未能預圖而當面又復錯過耳今歲有司雇募民船代衛所撐運備諸苦楚機會正不可失則今年之回空而未用者政明年之首幫而需次者也倘非嚴加申儆預行督促責令各官軍及時修艤及時赴兌各有

司及時徵米及時貯倉各道府及時查核及時  
押運竊恐虛擲居諸耽閣事會後雖欲再圖振  
勵而不可得矣撫臣曹文衡以當局之經歷晝  
未雨之遠圖扼要於回空一着致詳於釐弊十  
款便民裕

國計無出此真可謂留心漕務銳意  
國儲挽積習而復

祖宗之舊制在此行矣謹將原議十款逐款覆酌臚  
列見在遵



旨上

請恭候

命下臣部行文各該衙門一體欽遵施行

計開

一未用回空宜覈

前件看得今歲雇船代運民間頗以爲苦  
蓋一時權宜之計非經久可行之法也  
倘奸猾官旗乘機觀望沿途躲閃自圖  
興販延推之計則今日之回空不遠來

歲之新運仍遲其如機會何合令各該糧道查照本地方雇船若干應有未用回空船若干申報總漕及本地方撫臣移文申飭勒定期限某時破漏者修艙漂燬者補造俱限秋初赴次兌糧遲違官軍治以重典則船足而糧運自速矣伏候

聖裁

一運船原額宜查

前件看得舊例漕船一萬二千餘隻原有

定額乃積弊相沿多有狡猾運官將漕

船盜賣浸非舊數今查上年過淮漕船

止七千二百五十二隻又被逆酋焚燬

九百七十八隻則缺額者已五千七百

二十六隻較原數減半矣卽往年亦有

臨時自雇幫運者而爲數無幾迨時事

匆迫惟有沿襲酒派已耳酒派不盡因

而折乾有司祇圖結局分外毫不照管

卽在漕糧猶未盡折若帶還遼糧未有  
不折乾者但僥倖於漕糧之餘米以通  
融補湊如交兌時補湊不及甘心掛欠  
雖叅罰降級藐爲故事矣則缺船之關  
係顧不重歟合如撫臣議除查明缺船  
數照單例降級外如有官旗盜賣漕船  
情弊事發科賊重擬併訊盜買之人追  
船治罪各該糧道務要速查缺額情繇  
申報總漕巡漕及本管撫院議處其缺

額船隻見今作何刻期排造不致滋弊  
此各省直所當一體遵行者也伏候

聖裁

一河道挑濬宜豫

前件看得漕河一帶設有管河兵備工部  
分司及府州縣印河等官併淺鋪淺夫  
以備築疏每年俱先期挑濬限十月完  
工舊例淺阻十日至一月者各降調有  
差其丹徒蓄水練湖清復還官卑例可

按邇來府縣不關痛痒司道不行叅罰  
正項錢糧上下乾沒  
有虛担之偽報乏  
督濬之實功以致水淺舟膠雖先運早  
而鼓譟遲悞事不小今當新運修復之  
始政漕河祛弊之時總河衙門務行申  
徹及早疏濬以免臨事阻滯其練水原  
屬官湖亦須清查還官毋令豪右浸漁  
致爲蓄洩之礙違者聽總河與撫按查  
叅正法則虞詡賈彪之遺烈庶幾再見

之矣伏候

聖裁

一糧米貯倉宜早

前件看得漕糧例于十月開倉十二月兌完開幫今歲回空既蚤赴次已勒限在秋初矣倘令各官軍艤舟候米則快事生奸又不無可慮也各州縣有司務要及早修倉及早徵糧兼民間收成之後卽便催米貯倉寧以米待船無以船待

米船到卽允隨允隨開不但飛輓不致  
愆期而守候無借口之時則索詐免因  
仍之弊用以蘇糧戶而裕軍儲甚便計  
也伏候

聖裁

一官軍勒索宜禁

前件看得漕糧正額之外原有一定耗贈  
以爲沿途盤剝虧折之需減之無以恤  
軍增之卽便厲民無奈殷實旗軍強半



規避其勢要影射者不可枚舉致豪猾  
無賴者歲歲免役額數不足復募外水  
以補之數十成羣一唱衆和借米色以  
巧營谿壑卽運官每苦其挾制况單弱  
之小民乎于是加二加三有輸米百石  
不能完八十五石者宜撫臣之重軫之  
也今後於僉選時倍加體訪務擇身家  
殷厚者充役本衙不得賣富僉貧別署  
亦不得借名私比則投充牟利之徒無

可伺隙而動矣俟到次交兌該糧道仍預驗米色但係乾潔可用者勒令刻期裝載如分外挾索卽行依法嚴懲痛改弦職伏乞

聖裁

一旗軍挾衆宜懲

前件看得軍船到次止許一旗一綱隨運官赴倉領兌其餘軍士俱在本船看守不許一人私自登岸蓋蜂蟻成羣則喧

沸易騰蒲隊將事則奉法惟謹此單例  
所載法宜遵守者也以後各軍敢有擅  
自入倉挾衆索贈以軍法重治相應嚴  
禁以飭潛規伏候

聖裁

一撥派運官宜酌

前件看得江南漕糧每縣有多至一二十  
萬者少亦不下數萬石舊例每縣派運  
官二三員而每員又分派二三縣在各

縣既苦於應接不暇而在各官又苦於  
照管不到遂不能無遲悞先後之弊又  
或假幫官分兌以濟一時之權宜及至  
交納掛欠領運者以爲分幫也隨幫者  
又以爲押空也彼此推卸莫可窮究甚  
至幫官已回其領運者欺其不在而輒  
以分幫嫁誣之損

國儲而失情法之平莫此爲甚矣今後合如撫臣  
議計每運官額船若干隻應領兌漕糧

若干石每一員儘領一縣米多而領不完者方益以別官務船數糧數兩兩相當於以免運官交騫之苦併以免縣官互應之難則結局自蚤撐運自速矣領運官不致乘機買次隨幫官亦不致註誤罹法亦何憚而不爲變通乎伏候

聖裁

一責成推官專催府屬

前件看得有司徵糧愆期皆因督糧通判

資輕望微不足彈厯業經題委推官每  
年十二月內躬行所屬驗糧完潔交付  
通判允軍如州縣徵充愆期分別降罰  
單例森嚴法無容貸今當輓運倍急相  
應嚴加申飭着實力行勿視責成爲故  
事可耳伏候

聖裁

一專委府佐立單催空

前件看得今歲雇募民船協濟新運每糧

一石募價一錢七分爲費不贖則回空  
早到一隻便可省一隻之募貲是回空  
亟當催僱者也第往歲委官迎催回空  
赴過一程仍復停泊無繇稽考總成故  
事今該撫臣條議刊刻報單用印封發  
府佐一員前往僱催回空逐日開報某  
日至某處催某衛所空船係完某州縣  
漕糧計日定與限期某月某日可到某  
州縣水次照填一張給本船運官照填

數張馳報院道在運官奉勅限之單不  
致沿途逗遛在院道據開報之單便可  
按期提催此催空之要着所當永著爲  
令者也伏候

聖裁

一責成糧道親歷水次

前件看得漕儲道臣卽唐宋節度轉運之  
任督運漕糧乃其顯務若止循往例不  
大破積習雖日事催儉之故事又何當



輓運之機宜乎是必親巡水次加意稽  
核有司徵米貯倉果全完否運艘之到  
水次果足額否官旗有無勒索交兌有  
無折乾開幫有無稽遲設誠殫力以襄  
監兌之不逮而警州縣之不率此皆漕  
道責任應令着實舉行庶輓運有濟矣  
伏候

聖裁

崇禎三年五月初五日具

題本月初六日奉

聖旨漕船原有舊額何故不敷致累民船已有旨通  
查着速具覆以便預計回空早到倉米早集河道  
早濟自然啓兌開幫更無遲待此係董漕要策其  
餘飭軍督官責成稽覈事宜都着——飭行漕務  
積弊總因船阻兌遲悞一日今歲計募民艘正以  
權宜變通若不因此更端挽遲爲速更於何日得  
復成規以後漕臣河臣及各撫按有司如或尚沿  
舊習不務設法勤公致妨運事者定置重典决不

姑貸該部卽速通行諭知欽此

覆巡倉羅萬爵條議遲漕弊端疏

題爲欲挽速漕之利當剔遲漕之害謹陳一得之

愚仰祈

聖斷事雲南清吏司案呈崇禎二年十一月初二日  
奉本部送戶科抄出巡按直隸監察御史羅萬  
爵題稱前事等因奉

聖旨這本說遲漕弊端甚悉但係舊制前已有  
旨不必議裁着禁革私載諸弊起遲沿途不時體  
察仍嚴定賞罰格例具奏該部知道欽此欽遵抄

出到部送司查得巡倉御史陳奏漕務利病議  
裁運總奉

百處分已定無容他議惟是嚴定賞罰格例一節相  
應移咨總漕部院查議妥確庶便具覆仍咨都  
察院轉行倉漕御史并劄漕儲道禁革私載諸  
弊沿途不時體察嚴行申飭去後今於五月初  
一日奉本部送准總漕部院李待問咨據漕儲  
道周鼎呈稱看得漕事積遲漕法積玩殆非一  
日每思挽復其道無繇故蒙倉臺建議謂裁運

總而設通判定賞罰以勵人心求挽復之計挾  
利弊之根其心良亦苦矣第賞罰之議倉臺議  
以風勵各通判今通判不添運總不裁似當移  
彼易此而加之于各運官運總矣夫運軍之士  
宜單例准帶六十石此

朝廷浩蕩之恩也今則違例多帶杉槁木板滿載淋  
漓磁器紙張附搭比比雖禁戢不啻三令五申  
搜盤具報充餉然誅之不勝其誅也且長江淼  
渺河道修長安能逐船而問非運總運官於起

運時逐幫逐船不時搜剔曷能禁絕故賞罰之  
格必嚴加于運總運官次及于本旗庶可以澄  
其源而杜其弊也合無今議各船除例帶土宜  
六十石外如有多帶竹木松板磁器紙張瓶酒  
銅鉛等項重滯之物者除照單例搜盤沒官充  
餉外本旗照依軍法捆打一百棍仍照漏報商  
稅律例問擬領幫官捆打五十棍仍叅降一級  
發回原衛帶俸差操不許管軍管事違犯二隻  
三隻遞加降級雖有他長不得一槩薦舉總運

官以本總所轄之船爲率如有遲犯五隻以上者參降一級十隻以上者參降二級仍革職回衛帶俸差搵運總果能三年之內一隻無犯者准加陞一級每年終照查參押空事例一體舉行其

中都山遮三總原無夾帶貨物不在此例其餘搜盤衙門悉遵單例而行如此庶賞罰明而人心勸漕規肅而宿弊除矣等因到院據此爲照運船例帶土宜乃



朝廷破格之弘恩優恤旗軍之至意而奸軍因以射  
利違法多裝致載重難行遷延貿易日遲一日  
迄無底止若不亟行議禁何能挽遲爲速今據  
該道覆議盡法搜盤沒官捆打而又嚴責典守  
分別多寡遞降有差三年無犯加陞示勸深得  
救弊之源獲挽遲漕之利等因到部送司案呈  
到部該臣等看得漕運之弊私載爲甚而私載  
之難革繇賞罰之不嚴也蓋貨利之入人根深  
而不可拔積習之日久牢固而不可破非痛加

懲創則頑不知儆非懸立賞格則冥不知奮沿途貿易逗遛不前稽悞軍儲職此之故前倉原請定賞罰之格重加勸懲誠挽遲爲速之要着也今據漕儲道臣周鼎議於例帶土宜六十石外如有多帶竹木等項重滯之物者盡數沒官充餉本旗以軍法捆打一百仍照漏報商稅律例問擬此法嚴于旗軍而杜私載之根者也領幫官通同作弊捆打五十仍降一級回衛不許管事一隻三隻者遞加降級雖有他長不得一

槩薦舉此法嚴于罰官而清私載之源者也

運官不行禁止五隻以上降一級十隻以上降

二級仍革職回衛帶俸差捺果能三年無犯者

加陞一級年終照查叅押空事例一體舉行此

又法嚴于運總而重剔奸釐弊之本者也至有

稽察盤獲者卽與紀錄優敘有搜簡出首者卽

於免罪給賞則人心既有所畏又有所勸庶功

罪分明而奸弊自絕所當著爲定例以永遵守

者也今歲漕輓仰賴

聖政精明諸臣戮力遵照

欽定期滿渡淮而北視倉臣所謂因天因地因人者似已得之漸有挽遲爲速之機惟是裝載私貨沿途盜賣延遲之患尚爲可虞若果查照總漕及漕道覆議賞罰格例申飭力行則害盡除而運自速所禪於

國計漕政者多矣既經總漕部臣查議前來相應覆

請恭候

命下臣部行文各該衙門一體欽遵施行

崇禎三年五月初七日具

題本月初八日奉

聖旨運船嚴禁私載有犯并坐運總卽着如議飭行  
該衙門知道欽此

覆應天巡撫奏報漕糧開幫并違玩各官疏  
題爲恭報漕糧已開幫船三千七百餘隻已起運  
米一百五十餘萬石併摘叅梗令遲悞官員以  
警惰弛以肅漕務事雲南清吏司察呈本年五  
月初四日奉本部送

御前發下應天巡撫曹文衡題前事奉

聖旨這奏報開幫船糧着卽速督押前發兌運屢奉  
嚴旨有司通不上緊好生玩違本內所叅各官着  
該部從重分別議處其未完糧數該撫按還星速

嚴催務必完額不得再延該部知道欽此本日又  
該總漕部院李待問題爲摘叅悞漕有司以速  
允運事奉

聖旨徐日曦賴昌祚着戴罪償漕事完另奏欽此又  
該巡漕御史龔一程題爲水次無米逼軍折兌  
大違漕例坐悞單限官旗情急戴罪控鳴請示  
遵行事奉

聖旨熊經玩悞漕規本當重處念正管事姑着降俸  
一級并楊鼎熙俱戴罪督催完日另奏欽此初六

日又該直隸巡按御史王道直題爲恭報漕  
將竣併叅違玩官員以肅漕務以申

明旨事奉

聖旨楊鼎熙等已有旨了該部知道欽此欽遵通抄  
到部送司除將開幫船糧并未完糧數亟咨總  
漕部院應天巡撫及都察院轉行巡按巡漕御  
史并劄漕儲道等衙門上緊督催外其疏內所  
叅各官相應分別議處查得單例一款內開十  
二月終有司無糧府州縣掌印管糧官各罰俸



半年過正月者各罰俸一年過二月者各降三級在案今除句容縣新任知縣文廷望免議其餘內叅處各官相應具覆案呈到部該臣等看得漕運之遲速實繇有司徵兌之緩急有怠玩愆期者法應叅處單例具在無容寬假今查句容縣署印照磨韓上桂常熟縣知縣楊鼎熙上海縣接管知縣熊經原署印推官徐日曦崑山縣署印教諭朱濟之旌德縣知縣賴昌祚職司徵兌心存玩忽輸納既已後期轉運將何藉藉

均當照例重處以肅漕規第吳會之賦額實多  
而積習之振刷不易且總漕巡漕二臣參疏俱  
奉

明旨熊經降俸一級楊鼎熙徐日曦賴昌祚俱戴罪  
督催完日另奏欽遵在案今奉有所參各官從  
重分別議處之

旨合將知縣熊經楊鼎熙賴昌祚推官徐日曦照磨  
韓上桂教諭朱濟之六員姑各降職二級仍令  
戴罪督催速完以觀後效蘇州府推官王瑞梅

查催府屬州縣漕糧揭報常熟糧米全完何倉  
中半屬子虛及署長洲印務止顧本縣漕糧而  
於各縣漫不查驗方以通判資微望輕而責成  
于推官乃推官亦復悠忽如是溺職之咎其將  
奚辭且于漕船議募之初多方阻撓搖惑州縣  
若非該撫力爲維持幾致悞運亦當與熊經等  
一體降級示懲通俟漕糧過淮過濟撫按稽查  
果無悞事而後代題復職者也其蘇州府知府  
史應選與松江府知府方岳貢原有提調漕糧

之貴未奉督催飛輓之功松江府通判楊泰初  
業以部運爲職曾無綜理之能各應罰俸三個  
月以示薄懲內史應選又因停解輕賫一事奉  
旨任俸督催合候完日一併議

請定奪以上各官降過職級罰過俸銀類解充餉罰  
過月日不准實歷庶

坊令震肅而漕政更新矣既經應天撫按及總漕  
巡漕具題前來相應一併覆

請恭候

禮部奏請  
命下臣部行文各該衙門一體欽遵施行

崇禎三年五月十四日具

題本月十七日奉

聖旨是欽此

覆南臺吳善謙漕糧半佐軍興疏

題爲奴酋原不知兵特時無知兵之將遼陽原非  
難復患自失可復之機敵奴在選將用兵復遼  
在先聲後實仰乞

皇上卽合關薊以擒奴隨乘勝兵以大舉再壯

神京左臂永固

宗社萬年事雲南清吏司案呈本年四月初七日奉  
本部送戶科抄出南京廣東道監察御史吳善  
謙奏稱前事等因奉

聖旨這所奏該部酌議具覆欽此欽遵抄出到部送  
司查得疏開選將用兵等項聽兵部議覆外其  
漕糧用半以給軍興一節事隸本部業經移咨  
督部查議去後今於五月初一日奉本部送准  
總督倉場本部尚書孫居相咨據京糧廳郎中  
寶星呈稱查得漕額四百萬石舉成數而言也  
除永折災折及運通糧邊糧津截外實入京倉  
者天啓七年分止二百四萬九千餘石崇禎元  
年分止一百七十八萬一千餘石每年支放除

通倉折色共六個月京倉本色例該六個月每月大放該米二十五萬石六個月小放又該米六七十萬石尚有外衛班軍及秋操行糧等項大約每歲米支放二百三四十萬石出浮于入累年之所積以搭配而盡倉庾告匱固其所也臺疏云歲計四百萬石足支六十萬人一年之食度

京師食此米者不滿二十萬人而餘歸何地卽就京師而論入倉之數較支放之數每歲尚少三四



十萬石其餘歸之于通邊歸之于截留歸之于  
改折歸之于掛欠非獨一歲然也又准下糧廳  
手本四月分官軍匠等項通共二十四萬九千  
五百十二員名月支京通米二十六萬八百四  
十五石八斗其班軍鹽糧行糧及城守口糧不  
入支數內卽一月之數可得一歲之槩及查見  
在米數不過一百三十五萬九千餘石僅支半  
歲之用不得不仰給于新運矣臺疏又云新運  
各省已發用其半以給軍興卽無憂不足今新

運將到往年舊例京通邊鎮各有定數

京師止得其半虜患未殄薊永之截留必多京儲之所入必縮誠有足爲寒心者節當裁汰之說似難驟言用其半以給軍興安能應手同一漕額也在昔陳陳相因在今旦夕莫古憂

國同心宜懷深長之慮至于時事艱難日費不貲漕額虧折已非一日安得不一揭其苦衷也等因到部據此看得歲額漕糧計實入京倉者止二百餘萬是永折灾折及通津邊海截運已分

用其半矣。目今見在京倉糧米共一百餘萬。僅足京軍四月支用。永折既一定而不可更。灾折又地方所時有。邊海軍士亦難盡斬。其應得之糧餉也。既經該廳具呈前來相應咨覆等因。到部送司案呈到部。該臣等看得

國家歲額漕糧四百萬石爲數不貲。使果粒粒俱入太倉。寧置憂乏哉。惟是節年舊例。固有永折者。有災折者。有應運邊倉者。有截留泮糧者。又崇禎元。年有南京之截留。崇禎三年有薊門之軍

興且也衛所沿途有漂流起剝有掛欠每歲入京倉者不滿二百萬入通倉者不滿一百萬而漕糧之大致盡於此矣一切官軍匠役人等待哺倉庾者通計二十四萬九千五百餘人每月支米二十六萬八百四十餘石此下糧廳四月分見支之數也而班軍之鹽糧行糧秋操城守之口糧援兵募兵之行糧月糧又在其外每年放折色二月支通糧四月支京糧六月而錦衣衛三萬餘人不在放折支通之例總計京通歲

入不足供一歲之支京倉所積不足供半歲之  
支累年所儲搭放殆盡惟仰藉新糧早至爲接  
濟計耳關寧之截留薊州之轉運原係權宜本  
非永計臣部方鯁鯁然憂其難繼而南臺臣吳  
善謙之言曰漕運四百萬用其半以佐軍興卽  
無憂不足斯固籌

國之苦心但未嘗設身以處地耳根本至重不便  
奪此以與彼倉庾苦訓尤難虛內以實外

聖旨令臣部酌議具覆臣誠不得不亟爲剖析入

告者也既經督臣查議前來相應覆  
請恭候

命下臣部行文各該衙門欽遵施行

崇禎三年五月十五日具

題本月二十一日奉

聖旨據奏漕額歲多折留京通存支有數豈能半佐  
軍興吳善謙所議不必行欽此

津門凍糧轉運將完緩急當計疏

題爲凍糧轉運將完要地緩急當計事雲南清吏  
司案呈本月十五日奉本部送准天津部院翟  
鳳翀咨稱津門收貯凍糧應運京者四十六萬  
餘石今已發運過三十二萬有奇未運者止十  
四萬餘石目下民船湊集糧艘協剝河水漸漲  
自可刻期告竣惟是援兵雲集于薊月需糧米  
二萬二百餘石且川兵閩廣兵日到日多孰非  
就食此米本部院曾具疏題留凍糧五萬石而

貴部覆疏未見議及彼時猶謂有米可待今凍糧發運將完此外更無別項應給薊門積貯不多一時告匱將何接濟且非獨爲薊也浙兵分防月支行糧亦于此米取給至于津城百萬生靈家無擔石之儲當此狡虜窺伺東江難發卒有叵測兵士旣不能枵腹荷戈居民亦豈肯忍饑待盡事將有不可言者京庾固所當實津薊豈可獨匱迨其匱也外不得不呼籲於內內不得不照應于外應而及已爲後時應而不及寧



無噬臍之悔。越此未運之米量留數萬于津以備不時之用。蓋爲重地緩急計非爲欲早結凍糧之局也。等因移咨到部。本月十六日又據運糧廳郎中丁流芳呈爲斟酌派收津運凍糧事。奉本部劄付雲南司案呈蒙堂諭津糧旣米色不佳何苦俱運入京。重費脚價似當京通各收其半亦可也。如以京倉米少則崇禎二年通倉多撥之數於新糧內酌撥入京豈非便計。在津糧得以速完在京倉亦得好米。該司速酌議行。

奉此合劄付通廳查照遵行奉此查得津門收  
歛凍糧除截留海運及薊餉外其餘四十六萬  
石有奇業奉部劄盡令轉運進京此誠桑土綢  
繆之至計不期運到米色率多浥爛不堪若不  
晒揚恐有朽蠹之虞欲稍加晒揚而津門又以  
刁難需索遍控矣故職廳前于四月初一日呈  
乞照數改留以節運費以竣津局未蒙俞允近  
因天雨浸濕愈加臭爛難堪以致通橋不肯運  
各倉不肯收見今到橋到倉者嚴加晒揚抵壩

者停泊候詳定奪及查津門收貯原有正兌改  
先在內第屢有盡運入京之劄是以職廳不敢  
擅議今奉前因除津糧已運入京共一十一萬  
九千八百八十八石四斗七升四合外其餘上  
船未到之米均派京通二倉各收其半務先儘  
好米進京其未運者或留津海運如以京倉米  
少則將通倉新糧內照數撥補在京倉便于積  
貯在津門可以速竣一舉兩得誠計之最便者  
也擬合呈覆等因事于漕糧相應題

請案呈到部該臣等看得津門收貯凍糧四十六萬餘石先該臣部題奉

欽依責令轉運進京今查天津司道呈報已發運過三十二萬石有奇內已運入京者共一十一萬九千八百八十八石四斗七升四合其餘尚在中途未經抵通又除永平監軍道臣張春題

請賑濟陷民發米一萬石外所未運者止十三萬石數日以來又當有銜尾續發者竊計未運漕米不過十萬內外耳目今薊州見在援兵月需糧

米可二萬石而川兵閩廣兵以及分防之浙兵不與焉及據該鎮帶管餉司副使賈克忠開報見在倉米不足一月之支虜騎雖退防禦宜亟遵永初復軍民皆苦枵腹亟宜接濟所需糧米自應預備與其取京通之儲遠發薊門何若將天津未運之米准留彼中就便濟急省脚運而速飛輓亦計之最便者也至於在途之米原有改先在內量留通倉以省脚價亦無不可蓋貯津漕米露囤數閱月就中濕氣鬱蒸灰土夾襍

已無復向來乾潔之本色若仍令盡數運京當  
此大雨時行之際萬一再遇霖雨如近日臭爛  
成塊故事卽分倉收晒將來支放尚費商酌可  
惜孰甚焉如曰津米十萬一時未必用盡而明  
春原有應截津米通埃薊永用過若干果有剩  
餘卽作津門明春應截額數則在京可多得新  
糧之用在薊永可速救目前之急又事之兩利  
無害者也合無請乞

聖裁准以奉

旨之日爲始如津門東糧有未經起運者俱留津門  
免其再運或運薊永或抵津截統俟完日類報  
開銷至於起運在途之米酌量米色高低多留  
通倉其京倉不足之數另於新糧撥補在內在  
外總爲

國家之用楚弓楚得固無分彼此者也既經督餉  
部臣咨會及通糧廳呈詳前來相應題

請恭候

命下臣部行文各該衙門一體欽遵施行

崇禎三年五月十九日具

題本月二十四日奉

聖旨這凍糧原係何處漕運如何堆積經管爲誰泥  
爛若干進京若干在外若干星速通查明白具奏  
欽此



覆巡漕龔御史叅知州張文德等稽悞漕運疏  
題爲遵

旨回奏事雲南清吏司案呈本年五月二十一日奉  
本部送戶科抄出巡按直隸監察御史龔一程  
題前事奉

聖旨張文德等稽悞漕運法當重究着該部科同孫  
居相叅看來說欽此欽遵抄出到部送司遵卽移  
文督部戶科會同議處去後查得單例一款內  
開每年漕糧俱限十月開倉十二月終完兌關

幫如十二月終有司無糧府州縣掌印管糧官

各罰俸半年過正月者各罰俸一年過二月者

各降二級等因遵行在案今濱州知州張文德

長山縣知縣馬斯臧齊東縣知縣胡靖共鄒平

縣知縣武用賢等允運既違限期相應照例叅

處案呈到部該臣等會同總督倉場尚書孫居

相戶科都給事中玄默看得連年漕運稽遲致

多凍阻積玩相仍莫可收拾今歲定限務在挽

遲爲速共事諸臣各宜竭蹶趨承况當戎馬生

郊軍餉至急尤宜倍加黽勉不得悠忽從事者  
也山東漕糧原限二月末旬抵通至二月十四  
日州縣之米猶尚有未完者致蒙漕臣查叅違  
玩之咎安可辭乎但查濱州知州張文德未完  
米一千七百四十八石於二月二十八日全完  
兗運長山縣知縣馬斯斌未完米一千二百石  
於二月二十四日全完兗運齊東縣知縣胡靖  
共未完米一千三百六石三斗八升八合於二  
月二十五日全完兗運鄒平縣知縣武用賢未

完米七百二十一石於二月二十七日全完充  
運今漕臣又具疏入

告矣夫不完於

明旨未責之先而俱完於

明旨切責之後是皆繇我

皇上不卽加以斧鉞寬令戴罪速運旣惕

雷霆之威又感

覆載之仁故能刻期竣事第雖勇於補過實已遲於

飛輓查漕例議單有司無糧過正月者罰俸一

年過二月者降二級今張文德四員雖完允在  
二月之內但比之新例便覺踰期難從寬政應  
照過二月不完之例各降職二級照舊管事以  
爲慢事遲漕之戒俟至明年新漕蚤完方准開  
復是亦所以儆

功令而規後効也既經漕臣具題前來相應覆

請恭候

命下臣部行文各該衙門一體欽遵施行

崇禎三年五月二十七日具

題六月初一日奉

聖旨法須畫一適且方便永遵前孫居相條議漕糧  
違限的引軍機律如何這奏仍止照單例降罰功  
令不定前議何為孫居相姑不究着部科會同再  
加嚴覈具奏仍將今後漕規通行叅酌凡回空到  
次收糧開倉官旗領運起兌完兌開幫抵京各款  
俱逐項分別勒定期限罰例來看欽此